

*** ڈور وچ گنجلاں

جدوں ڈور وچ گنجلاں پے جاوے

ہور پکیاں ہوندیاں زور لایاں

جدوں گھر وچ مشکلاں لان ڈیرے

فیر او جانڈیاں ننیں بوہتا شور پایاں

ئیر گڈی دا ریت وچ پھس جاوے

ریس دتیاں ہور وی پھسدا اے

اک کچھو کے مینوں گل دسی

پہلاں اوہ تھکے جیہڑا نسا اے

ایہیو رمز تے پلے نا پے سکی

بیڑے محنتاں باجھ نہ پار ہوندے

سانوں لوک بگاڑے مت دیندے

من ماریاں رکڑ گلزار ہوندے

سارے جگ دا ہاسا ہاں بنی جانڈے
آؤ سجنو ہُن تے ہوش کریئے

مٹھی چال کریئے کچھوکے وانگو
کاہنوں پھرتیاں وانگ خرگوش کریئے

ساڈی گڈی اے پھسی ہوئی ریت اندر
آؤ تیراں چوں تھوڑی جئی پھنوک کڈھیے

رپھڑ زمیاں نال وی حل ہوندے
کاہنوں خنجر تلوار بندوق کڈھیے

بلھے شاہ دا اک مرید آکھے
اک نکئی جئی گل تے ہولی دئی

ہتھ جوڑ کے سائیں فریاد کردا
آؤ گنجلاں کھولیے پولی دئی

کی پتا اے کل اسیں مَر جائیے
سائیں سوچیا گل تے کر جائیے
